



kat. komp.

15986

I

Mag. St. Dr.

P

Gaworski Ioannis Nepom: Laudatio Jurispru-  
dentiae. —



2390 Franco.



# LAUDATIO JURISPRUDENTIÆ

circa solennem ad Doctoratum in Utroque Jure  
inaugurationem

PERILLUSTRIS CLARISSIMI & ADMODUM  
REVERENDI DOMINI

M. CAROLI  
MARXEN

Utriusque Juris LICENTIATI, Ecclesiarum: Collegiatae SS. OO.  
Cracoviae ARCHIDIACONI, Parochialis S. Nicolai Vesotoviae  
PRÆPOSITI, Judiciorum Consistorii Generalis Cracoviensis  
ASSESSORIS,

Lauream Doctoratus conferente

Tertio semperque auspiciatissimo sub Regimine  
MAGNIFICO, PERILLUSTRI CLARISSIMO &  
REVERENDISSIMO DOMINO,

D. M. ANDREA DOMINICO  
LIPIEWICZ,

Utriusque Juris DOCTORE & PROFESSORE,  
Ecclesiarum; Cathedralis Cracoviensis CANONI-  
CO, Collegiatae SS. OO. Cracoviae CUSTODE,  
Parochialium, in Koniusza & Igołomia CURATO,  
Scholarum Novodvorscianarum, necnon Contuber-  
niorum; Jurisperitorum, & Regio-Jagelloniani,  
PROVISORE, Facultatis Juridicae PRO-CAN-  
CELLARIO & DECANO, Studii Generalis Uni-  
versitatis Cracoviensis AMPLISSIMO

RECTORE,

S. X. 44.



Distinctissimis coram Hospitibus  
Ordinibusque Academicis  
In Ecclesia Collegiata  
Sanctorum Omnium.

à

M. JOANNE NEPOMUCENO GAWORSKI,  
Utriusque Juris Professore, Collega Juridico, Pa-  
rochialis in Zebrzydowice PRÆPOSITO, GEO.  
METRA Jurato.

D I C T A,

ac

Eidem Perillustri Domino NEO-DOCTORI  
in votivam supremi istius literarii honoris  
aggratulationem,  
perenneque reverentis animi testimonium

*Annó Jubilat Magni MDCCLXXVI.*

Pridie Nonarum Novembris

N U N C U P A T A.



15986 I



# ORATIO

**S**i quod dicendi genus honestius evenisse,  
aut optabilius accessisse potuit, tum præ-  
senti Oratione, qua & Jurisprudentiæ lau-  
des contexere, & Personæ gloriā literarum  
adminiculō immortalitati commendare con-  
tingit, majus esse nequivit. Ob eam ipsam  
causam, quantum animo meo inuratur gau-  
dium, necesse est? Equidem neque Jurispru-  
dentia suis caret elogiis, neque Persona sua  
laudatione destituitur. Hæc inquam illa ho-  
die celebranda proponitur, quæ scientiarum  
domina & regina est, à qua in omne hominum  
genus, leges & universa prosperitas manavit,  
quæ benefactis honores & præmia, malefactis  
ignominias & supplicia proponens, studia bo-  
norum excitat, malorum improbitatem cōer-  
cet: qua sublata, non domus ulla, non civitas,  
non hominum inter se societas, non denique  
ipsa universitas rerum stare, ac tueri se potest.  
Porro vix Jurisprudentiam cogito, cum statim



occurrunt animo utilitates & uberrima com-  
moda, quibûs illa vitam hominum auget: splen-  
dor & gloria, quam cuique amplissimam affert:  
voluptas maxima & incredibilis jucunditas, qua  
in omni fortunæ gradu cumulatissimè nos affi-  
cit: ut proinde in tanta dicendarum rerum co-  
pia, quid agam, quò me vertam, aut quam  
viam infistam? prorsus ignorem. Non alte-  
rum deest. Pro Viro siquidem in Utroque  
Jure Doctoratûs Lauream capessente, cujus  
tantus est virtutis splendor, tanta scientiæ di-  
gnitas, ut si dotes ejus naturæ & animi con-  
spiciamus, cum & amemus & observemus  
quam maximè, dicendum est. Quæ singula,  
quantam in proferendo argumenti conferunt  
magnitudinem? specie planè insolita, vim o-  
mnem superant eloquentiæ.

Quid igitur in hac mea mediocritate in-  
genii, dicendique tenuitate potissimum afferre  
potero, quod neque à summa Jurisprudentiæ,  
neque laudatissimi Viri præstanti amplitudine,  
alienum esse, videatur? Est itaque quærendus  
omnino in verbis modus, quærendus inquam,  
dum non cum imperitis & rudibus, sed cum  
doctis & sapientibus, non cum populo, sed  
cum



cum literatorum flore, non in obscuro terra-  
rum loco, sed in illustri & præclara loci cele-  
britate res est, ut non ad popularem sensum  
verbis solum, sed ad Jurisprudentiæ dignita-  
tem atque Neo-Doctoris scientiam, rationibûs  
utens, Orationem accommodem. His itaque  
fortis meæ in angustiis, quibus me undiqua-  
que circumveniri videtis, AA, nihil profectò  
habeo subsidii, nisi opem Vestram & benigni-  
tatem, qua multorum animos jacentes erigere  
consuevistis, implorem. Verum pace vestra  
dixerim, peccatum est, quòd ad hominem in-  
disertum, & jamdiu dicendi insuetum, pro-  
vincia præsens, delata sit. Nisi fortè vobis-  
cum reputetis, me & inpositi officii non imme-  
morem fore, & liberius ut necessitas postulat,  
locuturum. Utcunque tamen res cadat, testi-  
ficabor, me vestro jussui obtemperasse: cum  
non parere, nefas esse duxissem. Quamobrem  
vobiscum mihi communis erit noxa, ut si su-  
stinere tantam orationem non potuero, con-  
cessæ dicendi provinciæ vestra culpa sit, mea  
receptæ. Itaque duo hæc, quorum alterum  
ex altero consequitur, persequemur. *Primum:*  
Jurisprudentiam ab honestate & æquitate sibi  
gloriam vendicare. *Alterum:* Virum, ab Ju-  
ris-



risprudentia omnium ætatum prædicationem mereri. Primum pace vestra, favorabilique benèvolentia manifestè deducam. Alterum brevitati temporis prospiciens, ne Viri honesti modestiæ, anxius molestusque evadam, sub ticebo. At ne penitus laudes ejus prætereundo deserere videar, vestris oculis legendas, posteritatiq[ue] relinquam.

Cùm multa sunt AA. à quibus amplissima in homines derivantur bona, alia quæ ætas, alia quæ conditio, alia quæ scientiarum facultas, alia quæ præstantis dona offerunt naturæ, quæ libero fortunæ sparguntur imperio, sorte cadente consurgunt, jucundissima evincuntur turpitudine, infami nutriuntur honore, grassante peste reviviscunt alia, tum sola illa bona, quæ honesta, & quæ à laudato virtutum studio proficiscuntur, credetis? Optimus enim vivendi modus nobis eligendus est, ita vivendum, ut rationem reddendam arbitremur, cùm omne nostrum studium in hoc debeat maximopere versari, ut boni aliquid semper efficiamus, si possumus: possumus autem, si à recta conscientia transversum unguem non discedentes, honestatem utilitati præferamus. Per-  
sua-



suasum itaque nobis esse debet, ut nihil avarè,  
nihil impiè, nihil injustè, nihil voluptuosè ni-  
hil incontinenter faciamus. Homines sumus!  
honestis bona non turpibus quæruntur, nefa-  
rium crimen est, honestatem propter utilita-  
tis magnitudinem relinquere. Audiamus Sal-  
vianum lib. 7. de Guber. Dei, *ubi non est vera  
honestas, non est vera felicitas.* Omnis pertur-  
bationis fons est, intemperata commodorum  
usura, à tota mente, etiam à recta ratione de-  
fectio, sic à præscriptione aversa judicii, ut  
nullo modo appetitiones animi & regi & con-  
tineri queat. Nihil quoque tam tetrum est,  
homine indignius, detestabilius, contra natu-  
ram formidandum nihil, pessima admissione  
turpitudinis, adeo, ut si omnia mala cum tan-  
to inhonestatis pessimo collata sint, compa-  
randa non erunt. Contra AA, honestas ini-  
mica libidinum, quæ in rebus aut expetendis,  
aut fugiendis, ut rationem sequamur admonet,  
pacem animis adfert, eosque quasi quadam  
concordia placare & lenire videtur.

Sed mihi omnis oratio cum virtute, non  
cum desidia, cum dignitate, non cum volu-  
ptate, cum ratione, non cum amentia est, cum



iis qui se Patriæ, qui suis Civibus, qui laudi  
& gloriæ, non qui somno, conviviiis, & dele-  
stationibus se esse natos arbitrantur. Tam ma-  
gnam, tam singularem, necessariam atque in-  
credibilem, sanctam, divinamque animorum do-  
tem, Jurisprudentiæ acquiri studio, ejus co-  
piofissima quadam diffundi in omnes facultate,  
necnon ab honestate sibi vindicare gloriam, si  
non numerando, saltem orando assequar. Si-  
quidem quod tam probrum dedecus, quod  
scelus, flagitium aut facinus admitti concipere  
possum, quod jurisprudentiæ arbitrio, investi-  
gari, proferri, atque extinguere non possit, cu-  
jus præpotenti robori unusquisque nostrum,  
sedes, aras, focos, Deos penates subjectos esse  
agnoscat, necesse est. Est enim fortitudo ejus  
sine mensura, dexteritas sine pondere, ubi præ-  
sudet illa, hærent omnium animi, franguntur  
vires, reprimatur audacia, confunditur temeri-  
tas, emollescit furor, cessat tumultus, malitia  
ad unionem amorum componitur. Multipo-  
tens illa omnium domina est, ubi majestatem  
suam, vim & robur explicat, ibi pax optata  
indulget quieti, quies populum ad tranquilli-  
tatem commovet, tranquillitas provocat can-  
dorem, candor catenat amicitiam, amicitia o-  
mnem



nam Reipublicæ felicitatem parit. Quid putatis honestius, quid concipitis optabilius moderatione sensuum? his pacem Jurisprudencia conciliat, quid temperantia oportunius? temperantiam evincit, quid existimatione hominis præstantius? illa existimationis parens est, quid mediocritate decentius? illa optima rerum regula, quid verecundiâ desiderabilius? illa pudorem defendit, quid pietate laudabilius? promovet pietatem. Quid est tam regium, tam liberale atque munificum, quam opem ferre supplicibus, consolari afflictos, dare salutem, liberare periculis homines, illa urbanitatem cum clementia colit, quid vita ipsa dulcius? vitam tuetur, mores cohonestat, commoda in omnibus præbere consuevit. Quænam porro gens tam inculta, tam barbarâ, tam experta omnis humanitatis, ut jura, legesque ignoret? Nonne à Moyse Hebræi, à Solone Athenienses, à Lycurgo Spartani, à Minoe Cretenses, à Philolao Thebani & Carthaginenses, ab Hippodamo Milesii, à Zoroastra Bactriani, à Gymnosophistis Indi, à Druidis & Saliis Galli, à Decemviris Quirites, ab his subditæ ditiones & gentes, jura legesque acceperunt? Hinc non modò amplissima ju-

B

rispru-



risprudentiæ illiusque legum authoritas, sed etiam magna illarum varietas, populorum, gentiumque diverſis ſtudiis, ingenioque accommodata, imò immenſa propemodum multitudo.

Quantum pupilla oculis, fundamenta dormibus, rector Civitati, anima corpori, tantum Regnis & Imperiis, conditioni mortalium jurisprudentia prodeſt, & plus merito affert honeſtate. Equidem virtus illa intellectualis eſt, dirigens mentem ad operandum honeſtum. Ut verò corpora noſtra ſine mente, ita Civitas ſine legibus, veluti ſuis partibus, nervis, ſanguine, ac membris, eſſe non poteſt. Legum miniſtri Magiſtratus, legum interpretes judices, legum denique omnes ſervi ſumus, ut liberi ab inhoneſtate eſſe poſſimus, ſingulas jurisprudentiæ debemus. Hujus itaque præſtantiffimæ ſcientiæ dignitatem honeſtatemque cum veteres olim Imperatores intelligerent, jurisperitos Civitate donârunt, illis ſtatuas & publicos honores decreverunt, illos ſummis privilegiis & primis in Urbe dignitatibus decorârunt. Hanc profeſſor ob cauſam charum Auguſto Trebatium, Veſpaſiano Caſſium, Trajano Neratium, Hadriano Julianum, Anto.



Antonio Scævola, Septimio Papinianum,  
Alexandro, Ulpianum aliis Imperatoribus ac  
Principibus alios acceptos fuisse è munimentis  
legimus literarum. Sciverunt enim & credide-  
runt Jurisprudentiam esse umbonem quandam,  
quo scutula vibrata repellimus arcum quandam  
quo. cerussimas in scopum ejaculamus sagittas,  
lanceam quandam, qua adversa confodimus, &  
humi prosterminimus, machinam quandam, qua im-  
petum malefactorum in veritatis muros irru-  
entium, frangimus, dissipamus. Per eam Prin-  
cipunt & Regum Consilarii efficiuntur, ut per  
eos orbis imperia gubernentur. Per eam Civi-  
tatum, Senatores constituuntur, ut per eos im-  
peria hominum multitudo regatur, vita trap-  
quilla Civium & æqualitas defendatur. Per eam  
Advocati producuntur in forum, ut per eos in-  
juriae depellantur, & per judices jus suum uni-  
cuique reddatur. Per eam denique, Tribuna-  
lia, Curiae, fora, Respublicæ vivunt, respirant,  
& quod honestum est ab ea obtinent & recipi-  
unt. Qua sublata (ut sapientibus placet) vir-  
tutes omnes corrumpere necesse est, dum præci-  
pit: ut honestè vivamus, consulit: dum lædi  
vult neminem, corpori prospicit, dum suum



cuique jubet tribuere, facultates ac fortunas defendit, tuetur, & custodit. Credite AA. multò latius dominari legum quàm Regum potentiam: quippe quæ ipsis etiam Regibus principatur. Illa sceptrâ libenter adorant populi, quæ se legibus inclinant. Illas maximè decet jus audire, qui jus dicunt. Nulla sine Magistratu ordinata communitas, nullus Magistratus sine legibus. Hac basi stat Regnorum authoritas, & Regnorum incolumitas hac labante nutat. *Lex est omnium Divinarum & humanarum rerum Regina*, loquitur Chrysippus. *Lex est regula, per quam omnia totius Mundi negotia & animalia politica reguntur.* *Lex est Princeps, cui obedire debemus: est Dux, quem sequi congruit: est regula, quam faciendis quibusque applicare decet,* ait Aristoteles lib. 3. Polit: O admirandam Jurisprudentiæ potentiam! o honestatem inexplicabilem & quandam divinitatem, virtutum indagatricem expultricemque vitiorum, sine qua nihil in hac vita mortali securum, nihil quietum, nihil tranquillum, nihil honestum, nihil bonum, nihil beatum.

Illâ sapientum consiliorum architecta, illâ reconditarum prudentiæ artium referatrix, illâ  
æqui



æqui & boni, imò æqui & iniqui, ceu lucis & umbræ ars magna. Quàm si tollas, pro jure vis, pro judicio violentia, pro justitia latrocinia & rapinæ, pro pace bella, pro regimine confusa dissidia subibunt. Tolle clavem jurisprudentiæ, & tenebit clavum juris ignorantia, regnabit injuria, imperabit effrenis licentia. Quod Medicina morbis, hoc jurisprudentia, seu veriùs, hoc sunt jura moribus & negotiis: optimè *Justinianus in Novell. iii.* Et nihil tam studiosum in omnibus rebus invenitur, quàm jurisprudentia & legum autoritas, quæ & Divinas & humanas res bene disponit, & omnem iniquitatem expellit, ut ait *idem Imp. in l. 1. C. de veter. Jur. enucleat.* His ego perfruo, his delector, his pascor.

Atque cum fundamentum perpetuæ commendationis & famæ, sine qua nihil potest esse laudabile, honestatis præses virtutum justitia dicatur, meritò jurisprudentiam ab æquitate quoque vindicare sibi gloriam, quod alterum est, à me deduci patiamini. Quod ut brevius expediam, nolo enim aburi humanitate vestra, cum probè intelligam ex vestrorum animorum oculorumque in me contuitu, hunc meum pa-

tlenz



cienter vos sustinere sermonem, necesse est.  
Revocate itaque in memoriam omne officium,  
quod ad conjunctionem hominum societatem,  
que tuendam valet, anteponendum esse offi-  
cio illi, quod cognitione & scientia contine-  
tur, officiisque scientiæ præferenda esse officia  
justitiæ, consideratè enim agere, plus est quàm  
cogitare prudenter, hincque non ex alio, omnia  
optima, præterquam ex æquitatis fonte hau-  
riri fatebimini, Jurisprudentiæ illico ab æqui-  
tate gloriam venire, inferetis. Asseritrix illa  
est justitiæ, dictatrix legum, legem autem re-  
ctam & à Numine Divino tractatam rationem,  
imperantem, justam, prohibentemque iniqua,  
vocitamus. Et hæc duo, si profundè rimati  
fuerimus, profecto, nihil jurisprudentiæ melius,  
nihil legibus sanctius, nihil his duobus Divi-  
nius inter scientias etiam à nobis deprehendi  
posse dicemus. Namque, quidquid ad conti-  
nendum populum in aliqua scientia excogitari  
valet vehementius, quidquid ad pestem impro-  
bitatis averrendam, salutaris, ad unitatē hu-  
manæ societatis conservandam, validius, ad stri-  
ctum virtutum nexum, majoribus in dies in-  
crementis amplificandum, nervosius, singula,  
ab unica jurisprudentia, veniunt, conferuntur.

Hæc



Hæc obviam it sceleratis, probitatis amantes  
complectitur, è Rebuspublicis tyrannos ejicit,  
conservatores Patriæ retinet, nihil respicit po-  
tentes, humiles & imbecilles defendit, seditio-  
sos & turbulentos de medio tollit, Cives omnes  
in una voluntatum consensione conjungit,  
non precibûs blandis, non auri fame, non belli  
minis flectitur, in omnes æquitatis gladio &  
libra animadvertit. Ab hac si honestas re-  
quiritur, nihil præclarius, si utilitas deside-  
ratur, nihil fructuosius, si jucunditas spectatur,  
nihil suavius, si splendor petitur, nihil illu-  
strius, ad parandam immortalitatis gloriam fir-  
mius ac præstantius nihil. Loquar veriùs AA.  
ab Jurisprudencia tanquam æquitatis Arbitra  
unicuique sua propria dignitas venit, major  
reverentiam, par concordiam, minor discipli-  
nam, Deus obedientiam & sanctimoniam, ini-  
micus patientiam, egenus operosam miseri-  
cordiam habet. Hoc æquitatis retento clavo,  
salus Patriæ curæ, cordi tranquillitas est, nun-  
quam inter varios ac periculosos anfractus in  
infortuniorum scopulos incidimus, neutiquam  
naufrazi perimus. Hujus adminiculò, æquum  
ab iniquo, licitum ab illicito discernimus, bo-  
nos à male avertimus, males ad bona stimula-  
mus.



mus. Sed plura jam fortasse, quam volebam, de re minime obscura, quæ coram vobis dicta sunt AA. nemo est credite, referente Macrobio qui Jurisprudentiæ laudes suscipere recuset, nemo qui eam non tueatur apud Stobæum, nemo qui non discat apud Virgilium, nemo qui pro defensione non obftet apud Hilarium, nemo qui apud Democritum, Platonem, Senecam, Tullium, aliosque plurimos pro legibus, justitia, proque honestissimo Jurisprudentiæ honore viriliter non agat.

Et si verò antiqua literarum documenta in pulvere oblivionis sepelirentur, staret nihilominus in Te nobilissimæ hujus scientiæ dignitas, honestas & æquitas Vir de Ecclesia Dei, deque Republica literaria optime, Utriusque Juris Licentiate dignissime, omni titulo venerande. Nam quantum olim Lycurgus qui Lacedæmonibus, Zoroaster qui Bactrianis & Persis, Trismegistus qui Ægyptiis, Mercurius qui Cretensisibus, Solon qui Atheniensibus, Numa qui Romanis, leges tulerant, dignitatis & eminentiæ huic divinæ scientiæ reliquere, tantum à Te ornamenti, tantum decoris, tantum existimationis, imò plus dicam, honoris in illam derivatur.

vatur. Meritò Tibi, laborique Tuo erudito, quem indefessus, ferventi animo, alacri impetu, vehementi cum ardore, prompto spiritu, intenso cum studio, quà domi, quà foris subjisti, sudori assiduo, quo plurimorum ingenia irrigasti, vigiliis quas pro bono communi posuisti, innatis virtutibus singulis te commendantibus, debetur quem hodie recipis honor, debetur autem ita, ut hanc gloriam justò justius consequaris. Quam commendationis accessionem Jurisprudentiæ facias, Illustrissimus Hospitum Senatus hoc intelligit, turba literatorum videt, confluxus applaudentium Virorum demiratur, Amicorum corda exultant, Professorum & juvenum animi accenduntur. Cùm verò ejusmodi dicendi aut scribendi vim, quæ virtutibus Tuis, laboribus & meritis, quæ instituendo hodierno congrueret applausui, & meritò debetur, me dignoscam minimè habere, id probè constare velim & Jurisprudentiam quæ Tibi reddit quod tuum est ab honestate & æquitate sibi vindicare gloriam, & Te ab Jurisprudentia omnium ætatum prædicationem mereri. Dato igitur novo honori caput, qui jam pridem in mutuos benevolentiae nexus amicum Jurisprudentiæ dedisti pectus, fructu laborum & me-



ritorum Tuorum laureato triumpho, ego fa-  
mæ Tuæ & gloriæ æternum plaudam.

Atque illud statim mirum in hoc homine  
objicitur, & ex quadam virtutis veluti con-  
tentione natum, quod ingenuis artibus & opti-  
ma vitæ ratione, ita sibi ad summum in utro-  
que jure honorem vitam præmuniverit, ut iis-  
dem studere omni ope videretur, in ipso verò  
honorum cursu, quoniam illos capere facillè pos-  
set, ita oblitus eorum fuerit, ut ne meritorum  
quidem suorum meminisset. Cujus, ut tota,  
quanta est luculentius magnitudo dignoscatur,  
omnia in Viro nostro præclara atque eximia,  
perscrutari conabor. Immortalitati itaque no-  
minis sui, gloriæque maturè prospiciens, non  
alia nisi tutissima virtutis semita, quam graves  
trivere Patres antequam laureatum juridici ho-  
noris tenerent braviū progressus est, præmi-  
sit merita, cuncta laborum Academicorum su-  
scepit molimina, ut post consummatum sudo-  
rum & curarum cursum, sub umbra Juridicæ  
Laureæ ex æquo coronatus tandem Doctor pla-  
cidissimè quiesceret. Quodli arctissimus  
est omnino dignitatis cum virtute nexus, quò  
melius & suus dignitati accedit splendor, &  
justum

justum probitati deferretur premium, ita virtu-  
tem honori. hinc enim que junxit virtuti, ut de-  
cus ab eo utrique recipere accederet. Opti-  
ma ejus indoles, prius statim prodit e cunis,  
nescivit sub ipsa gloria ejus latere, fasciis, fu-  
tura semina virtutis infans quoque natura ul-  
tro ostendit. Habet hoc speciale generosus  
animus privilegium, quod adhuc ab ubere pen-  
dens, ad præclara contendit facinora, ingen-  
tes animæ Vix adolescere incipiunt, jam adul-  
tam orbis expectationem adimplent. Quæ in-  
genii maturitas, & quanta industria fruges Viri  
hujus futura essent, ad quæque optima, & ho-  
nesta componantur in adolescentia virtus compro-  
bavit. Quare a ludis, & ludicris puerilibus  
alienus, indolem egregiam maximorum quo-  
rumvis capienti, ad seria duntaxat aptabat,  
naturam in ipse in bonum semper propenden-  
tem, ad virtutem & honestatem provexit, eam-  
que & litterarum culturæ, & rei literariæ ne-  
gotiis sacravit. Ut vero excelsa hæc indoles,  
in sua puerili ætate tam pulcherrimis dotata  
progressibus, minime sterileceret, imò plus ad  
majora perfectionis accresceret incrementa,  
Regni Scholæ, & Academicis obeundis labo-  
ribus anno Christi 1748. libenter eam sub-



misit. In hac, cum suum posuisset pedem, nullum labori subtraxit manum, indignum viro præsertim Academico reputans timere laborem, in omni senecta eruditæ virtutis vestigia impressit. Hæc illi erant, quibus tenebatur, Prima Laurea ornatus oblectamenta, id unum à labore perflugium, proinde ac quæ res defatigationem adferunt, ejus reficiebant animum & levabant.

De Professore tandem Academico liberalibus in Artibus 1749. Doctorali Laurea insignito, quid statuemus AA? Opus est ut cum Orpheo lyram teneat, cum Archimede circum, cum Vitruvio perpendiculum, cum Ptolomæo astrolabium, cum Alphonso tabulas, cum Athlante sydera, cum Thalete pondera, cum Halisio specula, cum Zenone tempora, cum Pomponio climata, cum Chrysippo numeros, cum Euclide figuras, cum Archita mensuras, cum Platone ideas, cum Aristotele syllogismos, cum Marone pœmata, cum Tullio dicendi genus, cum Dyonisio Arcopagita hierarchiam caelestem, ut cum singulis de singulis artibus & scientiis possit ratiocinari, & ita ratiocinari, ut aliquis Carneades approbet, Aristar-

starchus asterisco insigniat, Cornutus non fastidiat, Persius oblectetur, Seneca feligat, Stoi-  
ei contra suam naturam mirentur, Pythagorei  
supra naturam speculentur, Epicurei secundum  
naturam venerentur, Lælius Decimus, aut Var-  
ro doctissimus, prudentiam, copiam, & orna-  
tum penitus non requirant. Quocunque pro-  
cesserit in incessu gravitatem, in lingua elo-  
quentiam, Arithmeticam in digitis, Dialecti-  
cam in ingenio, Ethicam in moribus, timorem  
Domini in corde, in vultu totoque corporis  
habitu omnes virtutes, tanquam perpetuas co-  
mitates secum ubique circumducatur. Sit insu-  
per heroico animo, quem non facile frangat  
labor, non deprimat egestas, non oemulus bo-  
nis ingeniis conficiat livor, non contentio, non  
vigilia, non graves quotidianaque lucubratio-  
nes exhauriant! Magnum est igitur Professo-  
rem esse, præsertim in ea rerum omnium diffi-  
cultate & tenuitate, qua nulla major excogi-  
tari potest. Quod cum considerant, aut jam  
usu consequuntur imbecilliores animæ, memo-  
res suæ tenuitatis, qua data porta ruunt, ha-  
stas abjiciunt, aliò spes suas conferunt, alium  
ad scopum sagittas dirigunt. Fericus sis, aut  
ex adamante confectus, ait illerum non nemo,  
proster-



prosternebat te labor improbus, dejiciet egestas,  
extingvent frigora, nullus hic nisi macie con-  
fectus, exhaustus vigiliis, attritus laboribus,  
vivam mortis circumfert imaginem. Non hæc  
otiosorum hominum deliramenta curabat, ac  
ne in animum quidem laboriosus totter Pro-  
fessor admittebat, cujus singulare oblectamen-  
tum erat, libris jugiter accumbere, sedata  
lectioni dierum nocturnive redeunte vice, ad  
Solis labores & Cleantis invigilare lucernas.  
Ita institutum suum amplexus est, ut indefes-  
sus & laboriosissimus Professor in Doctorali  
cathedra videretur. Quocunque siye vota Pa-  
trum obedientem vocarent filium, siye rostra  
sacrum profanumve exigenter oratorem, siye  
longè latequè per amplissimas Poloniæ, Pro-  
vincias dissitæ Academiæ, Scholæ, Colonia  
doctilissimum Magistrum protraherent, ubique  
lætus & alacer, amore boni publici & com-  
modi incitatus, quodvis onus liberrimè susci-  
piens, ferre minimè recusavit. Si alicubi, certè  
hic potissimum, prudentia ejus in rebus geren-  
dis & non tucata in docendo eminebat erudi-  
tio, qua subjectos regebat juvenes, qua scho-  
lasticas stabiliebat leges, qua castigabat impro-  
pos, qua tuebatur bonos, qua laudabat dili-

gen;

gentes artium honestarum cultores, qua hortabatur ad decus, revocabat à flagitio, laudis prædicatione afficiebat & præmio, præceptis, adhortamentis, exemplis, diligenter formabat.

Sed cum ea sit virtutis natura, ut locorum nunquam limitetur angustiis, quid enim virtutis comes, nisi gloria, jam scilicet laborem pro labore tanquam præmium & solatium pulcherrimum lucratus est, cum in Collegium Artistarum, quod minus appellatur, propter minimas reddituum fortunarumque accessiones, more solenni Majorum vocatus fuerat. Quantum in hac Domo, quamque gravis labor Viro huic impositus, nemo nisi expertus intelligit, qui fortissimarum nonnunquam virum Viros, quæmetli deprimat & afficiat, animo & corpore erectus, generosos ei supposuit laceratos. Hæc enim præcipua est magnorum Virorum gloria, quod impendentes labores, quos timida solent expavescere mentes insuperabili perferant virtute, & adversus quasvis molestias imperterritum animum obfirmant. Collegæ, nemo fasum, nemo mordacem linguam accusavit, nemo extra Collegium adulatricem notavit lavernam, quæ furtim bonorum Virorum  
famam



famam bonam, existimationemque radere assolet. Colebat humanitatem sine intermissione cum omnibus, sine simulatione amicitiam, sine fūco candorem, sine exprobratione liberalitatem, sine æmulatione charitatem, sine ostentatione pietatem, cæterasque omnes liberali homine dignas virtutes, sine nāvo colebat. Nihil erat tam abditum, quod eum laceret, nihil in disputatione aliqua tam arduum positum, de quo non verissimè judicaret, nihil tam varium, quod non statim adriperet. Ob quas virtutes, vitæque probitatem, & egregios in bonis disciplinis conatus, placuit omnibus vehementer, sed imprimis præmiatrici virtutum præmiorumque dispensatrici, Matri Universitati placuit, dum eum Collegio Virorum juridico annò 1763. associari voluit & curavit.

Hoc laborum meritorumque suorum decoratum honore, quiescere jam à laboribus crederetis AA, minimè, quo majus ejus eruditæ virtuti, tanquam debito accessit præmium, ab jurisprudentia etiam omnium ætatum voluit prædicationem mereri. Itaque monstrum esse otio deditum cùm judicaret hominem, nullamque

que sui memoriam inter mortales relinquere,  
de labore in laborem procedens, sudoribus  
sudores abstergebat, operosis negotiis, ad ma-  
gna natus, animum consecravit. Quid hoc ge-  
nere laudis gloriosius esse dicemus? non enim  
benignissimus rerum omnium effector Deus,  
ideo robur corpori, animoque infudit, ut in  
gremio desidiæ compressis manibus sedentes  
delitescamus, sed industriæ dediti, digna ho-  
mine aggrediamur opera, non ideo clarissimum  
ingenii lumen ab increato Sole in nos deriva-  
tum est, ut illud caligine ignorantiae tumule-  
mus, sed ut nova semper artium & scientia-  
rum luce, acutius reddamus, neque ideo per-  
spiciam oculorum aciem, providum nobis do-  
navit Numen, ut illam torpore desidiæ obtun-  
damus, sed quò de itinere, ad fastigia virtu-  
tum nobis optime prospiciamus. Nemo otio  
litans, unquam trophæa composuit, nemo ul-  
tra Endymionem negligentiae indormiens, lau-  
ream promeruit, nemo palmam desidia eripuit,  
nemo torpore victorias reportavit, nemo re-  
missus à laboribus immortalitatem sui nominis  
posteritati reliquit. Bellò emitur victoria, su-  
dore gloria, labore triumphus. Otium male-  
facti principium, rubigo sapientiæ & ingenii,

D

mater



mater nugarum & noverca virtutum, omnium  
est radix vitiarum. Perspexit hæc singula, ut  
inoffenso vitæ cursu ætatem viveret, Vir eru-  
ditione & virtute commendatissimus, eruditos  
proin labores minime otiosus à capite repe-  
tiit, non alium horum, nisi eundem, quem &  
mortalis vitæ exitum habiturus. Intelligebat,  
ille planè nullam scientiæ viam esse imperviam;  
si conatus & labor accedat, quæ improbitate  
sua omnia vincunt. Novit in arduo montis  
domicilium habere Musas, verum eo quoque  
industria volari posse, si aliter perveniri non  
possit. Quæ quidem omnia cum sudorem in-  
dustriamque exigant, & maximam & diutur-  
nam, mirandum non est, tam assiduo ac perti-  
naci labore, Virum nostrum in literario pul-  
vere defuisse. Cum verò experientia magi-  
stra didicisset id, quod Græcus ille Metrocles  
sapienter dictitabat, nimirum: res alias omnes  
emi posse pecuniâ, literas verò tempore, nihil  
erat omnino, quod tam accuratè ac tam reli-  
giosè servandum esse putaret, quàm tempus.  
Hinc vel exiguam diæ particulam per otium  
desidiâque traducere, impendium omnia  
gravissimum censebatur. Ac proinde ne mo-  
mentum sibi otiosè unquam efflueret, quod  
quan-

quandoque potui, quod cibo tribuitur, cum aliquo eruditionis studio conjunctum esse volebat.

Ut verò laudabili omnium æstimatione floreret, à quo docto conflictu recessit? nihil sanitati, nihil vitæ pro bono publico parcens, quæque maxima agressus est. Si laboriosum, est de juris potestate atque dignitate cum malevolis hominibus, qui Jurisdictionem Episcoporum tollere, omnem legibus Divinis & humanis approbaram auctoritatem eripere conantur, certare, is laboriosam hanc sanctamque pugnam, non animosè tantum sed etiam libenter & alacriter quoties non suscepit? quoties gloriosè non perfecit? etiam in præsentiarum contra Jacobum Gothofredum honorificè defendit. Periculosum est inveteratas consuetudines de nefario scelere contra libertatem, immunitatemque Ecclesiasticam armatas, maleferiatis capitibus evellere, egregiâ suâ dissertatione Professor expositâ, præstitit. Sed quid alia ex utroque jure opera commemo rem, quibus arrogantis populi confusionem? suâ prudentiâ sustulit, adversariorum vecordiam, fortitudine superavit. Quid de illis laboribus quos in ne-



gotiis Unniversitatis pluries susceperit, quanta prudentia, consilio, virtute, promovit, quidquid sive ad studiorum incrementum, sive bonum nomen & famam Academiae attinet, cum omni cura, sollicitudine, & conatu propagavit. Qua cum animi dulcedine Rectorem Posnaniensis Academiae proferam? lucubrationes ejus in publicum prodeuntes literati Viri sive legerent, Juventutis regimen tenentem, sive qui noscerent, sive qui viderent, sive de bene gesto audirent, plurimum adamarent. Quo tandem factum est, ut ad Lauream Doctoralem in Utroque jure, quæ immortales animos reddit, & vehementer concurreret, & diuturna re-ctegestorum serie præmissa consequeretur. Superest, ut in hoc honoris constitutum gradu, omnes incolumem esse velimus, & quæque prosperissima ab immortali Numine postulemus.



BIBLIOTHECA  
UNIV. JAGELL.  
CRACOVENSIS



Biblioteka Jagiellońska



sidr0023529



